



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2023/0555
Data e Vendimit: 17.08.2023

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik EUROPRINT GROUP SH.P.K., lidhur me aktivitetin e prokurimit me titull: 031 - Furnizim me paisje dhe laboratore shkollore për shkollat e komunës së Skenderajt me nr. të prokurimit: 643-23-4421-1-1-1, iniciuar nga K.K. SKENDERAJ, në cilësinë e autoritetit kontraktues, Kryetarja e Organit Shqyrtues të Prokurimit Vjosa Gradinaj Mexhuani me datën 17/08/2023, mori këtë:

Vendim

1.Hedhet poshtë si e palejuar ankesa e operatorit ekonomik OE “EUROPRINT GROUP SH.P.K.”, e parashtruar në Organin Shqyrtues të Prokurimit me datën 08/08/2023, numër protokoll 2023/0555, për aktivitetin e prokurimit "031 - Furnizim me paisje dhe laboratore shkollore për shkollat e komunës së Skenderajt" me nr. të prokurimit: 643-23-4421-1-1-1, iniciuar nga K.K. SKENDERAJ.

2.I lejohej, autoritetit kontraktues–K.K. SKENDERAJ që të vazhdojë më tutje me aktivitetin e prokurimit "031 -Furnizim me paisje dhe laboratore shkollore për shkollat e komunës së Skenderajt" me nr. të prokurimit: 643-23-4421-1-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Arsyetim

-Faktet dhe rrethanat procedurale-

Organi Shqyrtues i Prokurimit në sistemin elektronik me datë 08/08/2023 ka pranuar ankesën me nr.555/23 nga EUROPRINT GROUP SH.P.K. lidhur me aktivitetin e prokurimit me titull: Furnizim me paisje dhe laboratore shkollore për shkollat e komunës së Skenderajt me nr. të

prokurimit: 643-23-4421-1-1-1 në cilësinë e Autoritetit Kontraktues.

K.K. SKENDERAJ lidhur me aktivitetin e lartcekur me datë 17.05.2023 ka publikuar B05 - Njoftimin për kontratë, me datë 20.07.2023 B58 - Njoftimin mbi vendimin e AK dhe me datën 26.07.2023 ka publikuar B08-Njoftimin për dhënie të kontratës.

- Vlerësimi dhe administrimi i provave –

Nga provat e prezantuara vërtetohet se për aktivitetin e prokurimit “Furnizim me paisje dhe labore shkollorë për shkollat e komunës së Skenderajt me nr. të prokurimit: 643-23-4421-1-1-1”, iniciuar nga K.K. SKENDERAJ, me datë 17.05.2023 është publikuar B05 -Njoftimi për kontratë, me datë 20.07.2023 B58 - Njoftimin mbi vendimin e AK dhe me datën 26.07.2023 është publikuar B08-Njoftimi për dhënie të kontratës. Mirëpo në sistemin e – prokurimi tek rubrika kërkesat për rishqyrtim nuk figuron kërkesa për rishqyrtim e paraqitur nga ana e Operatorit ekonomik ankues.

Operatori ekonomik EUROPRINT GROUP SH.P.K përmes parashtimit të ankesës ka theksuar se i njëjti ka paraqitur kërkesë për rishqyrtim por që nuk ka marr përgjigje rreth kësaj nga Autoriteti Kontraktues. Pas pranimit të ankesës, OSHP gjatë verifikimit nëse ankesa është dorëzuar sipas rregullave dhe dispozitave ligjore, ka konstatuar se ankuesi për ankesën në fjalë nuk ka ofruar fare dëshminë se ka paraqitur kërkesë për rishqyrtim pranë autoritetit kontraktues siç kërkohet me nenin 108/A të LPP-së dhe po ashtu nuk ka ofruar dëshmi për pagesë siç kërkohet në pikën 10 paragrafi 1 të nenit 111 të LPP-së.

Lidhur me çështjen e lartcekur, OSHP përmes emailit të datës 09.08.2023, ka njoftuar operatorin ekonomik ankues për kompletimin e ankesës, pra ofrimin e dëshmisë se ka paraqitur kërkesë për rishqyrtim tek AK dhe dëshminë se ka bërë pagesën lidhur me parashtimin e ankesës në OSHP.

Por, edhe përkundër këtij njoftimi dhe sqarimi të OSHP-së, Ankuesi nuk e ka kompletuar ankesën e tij me tarifën e depozitës së sigurimit të ankesës në fjalë. OSHP sqaron se deri me 17.08.2023, nuk e ka pranuar ankesën e plotësuar sipas kërkesës së institucionit, duke mos ofruar dëshmi-konfirmimin nga banka për tarifën e ankesës në fjalë.

Nga provat e prezantuara vlerësohet se ankesa e parashtuar në Organin Shqyrtues të Prokurimit me datë 08/08/2023 nga OE EUROPRINT GROUP SH.P.K për aktivitetin e prokurimit me titull Furnizim me paisje dhe labore shkollorë për shkollat e komunës së Skenderajt me nr. të prokurimit: 643-23-4421-1-1-1, iniciuar nga K.K. SKENDERAJ, hedhet si e pa lejuar sepse ankuesi nuk ka paraqitur në sistemin e – prokurimi dëshmi se ka parashtuar kërkesë për rishqyrtim tek Autoriteti Kontraktues dhe nuk ka bërë pagesën (nuk ka ofruar dëshmi të pagesës) me rastin e parashtimit të ankesës në OSHP. Andaj Organi Shqyrtues i Prokurimit sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-së siç kërkohet në pikën 10 paragrafi 1 të nenit 111 të LPP-së lidhur me nenin 118 të LPP-së.

Andaj procedura e shqyrtimit të kësaj ankese përfundon në këtë fazë duke e hedhur te njëjtën si jo e plotë ngase kjo ankesë nuk plotëson kushtet për tu proceduar më tutje siç kërkohet dispozitat ligjore të lartcekura Si përfundim kjo ankesë është në kundërshtim me nenin 108/A, 109 dhe 111 të Ligjit për Prokurim Publik, dhe nenit 65 të Rregullores 001/2022 për Prokurim Publik, dhe si e tillë hedhet si e pa lejuar dhe nuk hynë në shqyrtim nga OSHP.

OSHP i vë në dijeni OE ankues për mundësinë e zbatimit të nenin 118 paragrafi 4 cituar: Nëse paneli shqyrtues konstaton se cilado nga pretendimet e bëra në ankesë janë të rrejshme, OSHP mund të kërkojë nga parashtruesi i ankesës që të paguajë një gjobë shtesë deri në pesëmijë (5.000) Euro.

Autoritetit kontraktues – K.K. SKENDERAJ, mund të vazhdoj më tutje me aktivitetin e prokurimit (e përshkruar me sipër) nëse nuk ka ankesë tjetër për këtë aktivitet. Organi Shqyrtues i Prokurimit i vë në dijeni se në çdo aktivitet AK duhet të veproj konform dispozitave dhe autorizimeve ligjore siç përcaktohen ato me nenin 1, 6, 7, 27, 28, 59, 60, 65 të LPP-së.

Kryetarja e OSHP-së, duke u bazuar në atë që u tha si më lartë, vendosi si në dispozitiv të këtij vendimi.



Vjosa Gradinaj
Kryetare e OSHP-së

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale në Prishtinë, dhoma e shkallës së parë, në afat prej 30 ditësh nga e pranimi të këtij vendimi.

Vendimi t'i dorëzohet:

- **AK - K.K. SKENDERAJ**
- **OE - EUROPRINT GROUP SH.P.K.**
- Arkivës së OSHP-së: